

VLADA KANTONA SARAJEVO
Premijer Kantona Sarajevo
Ministarstvo za odgoj i obrazovanje

Predmet : Hitna inicijativa

Klub Demokratske fronte u Skupštini Kantona Sarajevo upućuje hitnu inicijativu Ministarstvu za odgoj i obrazovanje KS radi hitnog i neodložnog izdavanja saglasnosti za nastavak rada Radionice za radnu okupaciju u JU Zavod za specijalno obrazovanje i odgoj djece 'Mjedenica' pod neizmjenjenim okolnostima i sve u skladu sa Zakonom o odgoju i obrazovanju u osnovnoj i srednjoj školi Kantona Sarajevo (27/24) i članom 80. stav 2. ovog Zakona.

S obzirom na to da se Ministarstvo za odgoj i obrazovanje konstanto poziva na nedostatak pravnog osnova potrebnog za izdavanje saglasnosti koji se tiče neusklađenosti pravnih akata, neophodno je odmah pristupiti usklađivanju istih. Ujedno Vlada Kantona Sarajevo je dužna preuzeti odgovornost za izmjene u Zakonu kojima se ograničava dobna starost djece, čime se ugrožava dobrobit djeteta i uskraćuju prava djece sa teškoćama u razvoju na cjeloživotno obrazovanje, kao i prava definisana Konvencijom o pravima djeteta, Konvencijom o pravima osoba sa invaliditetom i Konvencijom UN o ljudskim pravima i slobodama. Ovakvim zakonskim rješenjima Vlada Kantona Sarajevo vrši diskriminaciju osoba sa teškoćama i invaliditetom po osnovu starosne dobi, što je zabranjeno Zakonom o zabrani diskriminacije (Službeni glasnik BiH", broj 59/09 i 66/16).

Podsjećamo na kontinuitet rada Radionica koje su djelovale još od vremena agresije na RBiH koje sada, pod izgovorom nedostatka pravnog osnova, nepromišljenim odlukama kao Vlada KS nastojite poništiti. Najbolji interes osoba sa teškoćama u razvoju je primarna briga koja u ovom slučaju potpuno izostaje.

Obrazloženje :

JU Zavod za specijalno obrazovanje i odgoj djece 'Mjedenica' obratio se Ministarstvu za odgoj i obrazovanje KS sa zahtjevom za izdavanje saglasnosti za nastavak rada Radionica za radnu okupaciju. Na ovaj upit Ministarstvo za odgoj i obrazovanje KS očitovale se negativno sa dva dokumenta : broj 11-07/02-34-32786-1/24 od 19.07.2024 godine kojim je osporeno izdavanje saglasnosti za nastavak rada Radionica za radnu okupaciju. Također, dokumentom broj 11-07/02 - 34 - 32786-4/24 od 25.07.2024 godine

Ministarstvo potvrđuje stavove iz prethodnog dokumenta i poziva se na nedostatak pravnog osnova potrebnog za izdavanje saglasnosti.

Podsjećamo da je pravni osnov koji reguliše ova pitanja definisan u Zakonu o odgoju i obrazovanju u osnovnoj i srednjoj školi Kantona Sarajevo (27/24) članom 80, stav 2 koji glasi:

(2) Centar ima status pravnog lica u čijoj se djelatnosti mogu realizovati programi više nivoa odgoja i obrazovanja (predškolsko i/ili osnovno i/ili srednje) i drugi različiti programi za dobrobit učenika centra (internatski smještaj, poludnevni i dnevni smještaj, produženi boravak, edukacijsko-rehabilitacijski tretmani i dr.) sve uz prethodnu saglasnost Ministarstva.

Stoga zahtjevamo da resorno Ministarstvo otključa vrata Radionice za radnu okupaciju u što kraćem roku i da bez odlaganja trajno otkloni sve postojeće pravne dileme i prepreke prilikom u funkcionisanju Radionice.

**Klub zastupnika Demokratske fronte
u Skupštini Kantona Sarajevo**

Sarajevo, 23.9.2024.